



四大名山之一——普陀山

普渡行者

普陀山爲舟山羣島列島之一，位於舟山本島東南約六十里，孤峙海中，縱約十二里，橫約六里許，海岸線周圍蜿蜒，長達百餘里，主峯佛頂山，高達一千六百餘尺，登山遠眺，碧波萬頃，海天一色，備極壯觀，全島氣候溫和，景色宜人，幽壑奇洞，怪石嶙峋，到處皆是，至於茂林修竹，懸崖曲澗，目不暇給，古跡名勝，屈指難數，如潮音洞、梵音洞、神運殿、紫竹林、千步沙、仙人洞、說法台（金剛石）、觀音跳、善財五十三參石、達摩洞，二龜聽法石、短姑道頭……（請參觀本期封底及「普陀風光特輯」）大都有關佛敎故事和靈異勝跡。

普陀山之得名，大概始於五代，後梁明貞時，日僧慧諤來朝五台山，見有觀世音菩薩像一尊，心生歡喜，擬請還日本供養，又恐寺方不許，遂不問而取，買舟東歸，道出舟山新羅礁海面，忽現無數鐵蓮花，（今名蓮花洋）阻舟前進，周旋於普陀沿岸，慧諤遂跪求懺悔，願從舟之所止，立宇供養。禱畢，舟止於今之潮音洞下。慧諤遂捨舟登陸，傍山構宇，遂名其處爲「不肯去觀音院」，是爲普濟寺之前身。

普陀，原名梅岑山，因漢梅子真隱居於此而得名，今之梅福庵，即梅子真之隱居處，內仍保存「梅福仙人鍊丹井」古跡。梅岑山因不肯去觀音院的建立，遂成爲觀世音菩薩道場，據華嚴經宣說：「瑟鞞毗羅居士告善財言：善男子，於此南方有山，名補怛洛迦，彼有菩薩觀自在，汝詣彼問，菩薩云何學菩薩行，修菩薩道？即說頌曰：『海山有山多聖賢，象寶所成極清淨，華果樹林皆遍滿，泉流池沼悉具足，勇猛丈夫觀自在，爲利衆生住此山

，汝應往問諸功德，彼當示汝大方便。』時善財童子……漸次遊行，至於彼山，處處求覓此大菩薩，見其西面，巖谷之中，泉流縈映，樹林翕鬱，香草柔軟，右旋布地，觀自在菩薩，於金剛石上（即今金剛石，俗稱說法台）結跏趺坐，無量菩薩，皆坐寶石，恭敬圍繞，而爲宣說，大慈悲法……我以此菩薩，大悲行門，平等教化，一切衆生，相續不斷……或以布施，攝取衆生，或以愛語，或以利行，或以同事，攝取衆生，或現色身，攝取衆生，或現種種不可思議色淨光明網，攝取衆生，或以音聲，或以威儀而說法，或爲神變，令其心悟，而得成就……願令一切衆生，若念於我，若稱我名，若見我身，皆得免離一切怖畏，離怖畏已，復教令發阿耨多羅三藐三菩提心，永不退轉。」以此之故，遂以普陀洛迦名此山。普陀洛迦者乃補怛洛迦梵音之異譯，義譯爲白華。普陀山者乃普陀洛迦之簡稱。

不肯去觀音院，於宋神宗時勅建爲「寶陀寺」，清初，始改名：「普濟禪寺」，爲全山祖庭，前山所有寺庵，皆由普濟寺管轄，俗稱爲前寺，前寺大殿名「圓通寶殿」，因觀音修證耳根圓通而得名，素有神異著稱，殿高約四丈餘，寬約十丈，深約五丈。在國內佛寺中，並不算太大，但神異之處猶如維摩之丈室，「能容無量人天」而不見擠，據普陀積善庵住持肇祥師告現留台灣之煮雲法師：曾有六千和尚在殿上繞佛而不覺擠擁，（見煮雲法師著「普陀山傳奇異聞錄」）因此又名爲「神運殿」，或「鬆緊殿」。殿角懸大鐘，重七千餘斤，爲清初所鑄，以草繩吊諸木架，歷三百餘年而草繩不爛不斷，跡近神話，但據煮雲法師說，曾

「親自在繩索上抽出幾根草來看，果然真是草繩」，那真是不可思議的奇跡了。

舉世聞名的「紫竹林」，其實既無紫竹，又無林，祇是「紫竹林」（寺名）附近所產之石子，石上現紫色花紋，似無數竹形，故名紫竹石，「紫竹林」案頭所供之石，即是紫竹石中之較大者。

潮音洞，位於龍灣山麓，崖石錯立，海浪澎湃，聲若雷鳴，勢如奔馬。崖洞高約二百餘尺，洞上有孔如天窗，仰首上望，猶如坐井觀天，山誌所載：「觀世音菩薩曾在潮音洞現身。」

梵音洞在青鼓山下，峭壁四百餘尺，崖腳陡分爲二，儼如大門，洞深千尺，直透海邊。洞以神異著稱，常現神變，朝山善信，都來此看「前生」或「來生」。

法雨寺，舊名鎮海寺，俗稱後寺，爲普陀三大叢林之一，創於明萬曆年間，規模宏大，建築整齊，但大殿不及前寺宏偉與神異。大殿頂上，雕有九條金龍，神態活現，爲明季名匠傑作。故又名九龍殿。

後寺最高處有「珠寶觀音殿」，佛龕內所供大士像，高僅五六寸，胸前嵌有大明珠一顆，寶光奪目，佛像用純金塑成，寶相莊嚴，自在妙好，壁間所懸皆名家字畫，貢桌所列均奇珍異品，整潔清淨，纖塵不染，施設精緻，冠於各寺。

佛頂山亦名白華山，或菩薩頂，爲普陀山主峯，遠眺碧波萬里；俯覽羣翠環繞，光熙、妙應諸峯皆出其下。山頂舊有石亭，今已改建爲燈塔，故又稱天燈台，自天燈台下數百武，即是三大寺之一：慧濟寺，該寺創於明季，清乾隆時，始建圓通寶殿，（普陀各寺大殿，多稱圓通寶殿，不過以前寺最著名）其藏經樓，環境清靜，設備完善，長期供養八人閱藏，有專役奉侍，專欸供養，辦法之周到，爲各地叢林所不及。

後山禪那禪院，爲民初太虛大師閉關處，至今門外石上，仍可見太虛大師親筆所書「太虛蘭若」四字之石刻。

普陀山，全山八十餘寺院，二百餘茅蓬，蓋以環境清幽，適宜修持，遂成爲佛教四大名山之一，四山中，唯普陀孤懸海中，而靈異感應事跡之多，亦爲四大名山之冠。

▼ 普陀山普濟寺大殿（即著名之圓通寶殿）

